

從容掀翻生死流轉之浪。等閒踢倒涅槃實相之臺。總是無非這箇妙用。總是無非這箇體裁。且道喚個什麼為這箇。(投火把云)

看々劫火洞然大千壤。青山仍舊碧崔嵬。

○為某信士 (千丈實巖禪師)

皮囊脫處出塵勞。色相空時見幻泡。雪後夢驚松頂鶴。寒清穿骨月輪高。夫惟 (稱呼)

永夜神清。驀過雪後一色之位。

空劫步轉。踏斷泉路九重之濤。

從來安頭上頭兮。成佛作祖。

到處為主中主也。戴角被毛。

直得。生死涅槃不存朕迹。迷悟凡聖不隔絲毫。

雖然與麼。即今有個丙丁童子。狹路逢著。臂膊相交。且道隨他去耶。不隨他去耶。(火把打圓相云)

黑漆崑崙東海口。冰凌上走駕金鼈。

○為某信女 (千丈實巖禪師)

脫却娘生皮袋來。赤條々地絕塵埃。轉身一路無多子。

黑漆崑崙爆死灰。正與麼時。(稱呼)

即于貪瞋癡。證乎戒定慧。

體忍常樂我淨。透出馬腹驢胎。

且道這般消息。端的如何安排。(投火把云)

請看冷湫々地去。臍輪拍手咲咭々。

○為某大姊

大姊曾巡拜西國卅千丈寶巖禪師

一靈真性脫根塵。

三所靈場故句及此 圓照含空越果因。

無有去來生滅相。

試看火裏本來人。

伏惟（稱呼）

生處塵勞域。

權現婦女身。

曾拜三十三所古道場。

有脩有證。

今謝五十五年舊窠窟。

無疎無親。

雖然與麼更有千聖不傳底。一句子聽取山僧分明指陳。

（投火把云）

虹銷雨霽江天靜。

一對鳧雛戲白蘋。

○為某大姊

（于時七月）

（千丈寶巖禪師）

清夜三更明月前。十分爽氣滿山門。

機頭石女驚回夢。

金線縱橫暗裏穿。

夫惟（稱呼）

纔臥床蓐。

頓謝世緣。

淨躑々赤洒々。

不蒙半點迷悟塵垢。

冷湫々明歷々。

豈為五蘊生死絆纏。

直下踢倒涅槃臺。

無端撐破般若船。

且道一靈真性落在那邊。

（良久云）

篩金搖史藤蘿影。

卷帳翩翩竹樹煙。

○為某貴顯令子

（千丈寶巖禪師）

即現童男說法身。

熾然今日轉法輪。

請看三寸舌頭外。

驚覺滿城多少人。

惟伏新蚤世（稱呼）

風裁秀異。

穎悟絕倫。

羽翼若振。當為聖朝鸞鳳。

頭角漸聳。已稱侯家麒麟。

豈謂摧芝蘭於霜雪。忽見埋珠玉於泥塵。

柄車偃蹇兮出城闔。散華飄風兮送幡蓋。

泉宮沉沉兮閔劍佩。墮淚和露兮濕衣巾。

唯是幻緣幻因。不妨有去來生滅。

若夫真壽真性。到底無長短屈伸。

所以。即今雖脫却個皮袋。元來不放過那谷神。

且道將什麼邊道理得恁麼底指陳。良久云。

魚行如魚兮鳥飛似鳥。山色水光兮長連海津。喝。

○為某童女

千丈實巖禪師

(以鉢子打圓相云)這箇是諸佛微妙之法門。衆生本具之

心源。一亘清虛。包裹宇宙。宏廓深遠。磅礴乾坤。所

以。(稱呼)

偶稟幻化之幽姿。逐春閨夢裡狂蝴蝶。

忽轉閃電之機軸。走寒夜雪上鐵崑崙。

出沒自在。何處不稱獨尊。

縱橫豁達。如何見得脚跟。(獨鉢云)

竹影掃階塵不動。月穿潭底水無痕。

○為某童子 (千丈實巖禪師)

夢一場時覺一場。可中無短亦無長。好將傀儡牽抽手。

撩發毘盧頂上光。(稱呼)

一墮襪。四經星霜。

婆々和々。言語未正。

有句無句。文彩未彰。

無端覆船於采石江畔。明月。

果然轉枕於邯鄲市上。黃梁。

即今將個嬰兒行。頓得轉身自在底。且道如何稱揚去。咦。

庭宇淒涼秋色爽。扶疎丹桂一枝香。

○為某居士（居士武門之人也）千丈實巖禪師

皮袋一靈。一靈皮袋。離却去來。謝絕進退。徹底光明。非外非內。一物鎮長。無在不在。新物故（稱呼）

氣岸崢嶸。不墮流輩。忠義精良。度越比類。

即今臨行。拋擲劍佩。撒手斷崖。超出明晦。

此是居士夙具靈機。證個三昧。豈待山僧舉揚。是再只如上來滿口誘誨。如何保任得無防關（良久云）

春天風暖有陰晴。山色依然雲靉靄。

○為某大姉（善救普濟禪師）

還源一句出常情。七十五年殘夢驚。調入陽春彈白雪。

誰知今日奏無生。恭惟（稱呼）

本非男女相貌。何有恩愛纏縈。

成佛蚤先獻珠龍女。作畧全超出定罔明。

一靈不昧。諸法現成。

（稱呼）末後坐斷昆盧頂上。一著如何吐出。

大法輪轉火燄裏。三世諸佛立地聽。

○為某大姊

(善救普濟禪師)

聯芳聯葉祖師眼。還本還源諸佛心。生死涅槃沒蹤跡
高樓月落夜沉々。恭惟(稱呼)

一靈心性。不借胞胎。

蚤脫男女相。何有人我媒。

明珠現掌。寶鏡當臺。

超末山作畧。絕鐵磨按排。

青山元不動。白雲自去來。

正恁麼時。末後任運自在。一著如何全提。(打圓相云)

野火燒不盡。春風吹又開。

○為某信女

(善救普濟禪師)

心圓湛寂。去來無蹤。歸根得旨。華落飄空。

夫惟某信女。驚起五十七年夢。秋風一陣自清涼。

生也不是。時節既到。

死也不是。佛性理彰。

通身無影像。遍界不曾藏。

靈々不昧。自己風光。

透脫三世。照徹十方。活卓々。露堂々。

恁麼脫洒不羈底。生涯末後甚麼處著。(打圓相云)

一莖茅火後。青々立雨中。

○為某禪尼

(善救普濟禪師)

無心無相舊時人。生死去來一聚塵。十有五年殘夢斷，
覺花枝上不萌春。恭惟（稱呼）

早脫真俗穢體。本非男女幻身。

能死能活。非疎非親。

恁麼濶略百年夙道橫陳。且道末後有甚機用。露。

烈燄堆中月轉輪。

○為某大姊

（善教普濟禪師）

性海無風。了知圓成。末山鼻孔。鐵磨眼睛。七十餘

霜。殘夢忽驚。臘雪紛飛。虛空悲鳴。

生也不道。非男女相。

死也不道。越物我情。

正當與麼時。（稱呼）向甚麼處行脚去。（打圓相云）

通身紅爛大光明。

○一月為某信男

（古德）

舊年已去新年曉。死路頭邊活路通。天地同根元一體。

看看無處不春風。恭惟新歸元（稱呼）

胸次礪魂。心地玲瓏。

江月照兮松風吹。塵女解脫。

春山青兮春水綠。法女圓融。

到這裡。上無攀仰。下絕己躬。

雖然如是。末後牢關。一句作麼生通。嘆。

泥手乳月。木馬嘶風。

○正月為某信女

(古德)

元正啓祚太平天。本源自性得完全。無限春風吹不盡。二輪交轉面門鮮。夫惟(稱呼)

觀世間相。參教外禪。

呼喚不回。泥牛鬪入海。

羅籠不住。木馬走如煙。

看々仰之彌高。鑽之彌堅。

雖然恁麼。即今還卿一著。如何履踐。露。

臨濟命脉元不斷。一條紅線手中牽。

○二月為某信士

(古德)

下山路是上山路。生滅去來無變同。直下承當安養土。

彌陀招手白毫中。

茲以(稱呼)

四大脫落。

五蘊圓融。

來々實不來。

石火莫及。

去々全不去。

電光亘通。

到這裡。一吹々滅。

鑿湯爐炭。

一踢々翻。

熱鐵洋銅。

上來(稱呼)生前活三昧底。死後消息如何尋窮。

昨夜金烏飛入海。今朝依舊一輪紅。

○二月為某信女

(古德)

春風二月落花雨。時節到來活路通。脫却百年間桶底。當陽顯露本來躬。伏惟(稱呼)

心鑑清淨。內外玲瓏。

八識七情。風來波浪起。

三從五障。日出乾坤融。

正與麼時。說甚天堂地獄。論甚佛界魔宮。

空非空。色非色。始無始終。無終。

雖然如是。即今臨行。一句如何相通。(良久云)

妙處欲言。言不及。海棠雨過。夕陽紅。

○三月為某信男 (古德)

一超直入如來地。百歲任他蝶夢忙。直下醒來。觸體碎。

靈光燦破涅槃城。恭惟 (稱呼)

積功累德。益抽丹誠。

了因緣。得好時節。破痴闇。放大光明。

罪障消滅。公案現成。

雖然與麼。末後一句。如何出常情。喝。

須彌倒跨鐵馬。踢翻丙丁童行。

○三月為某信女 (古德)

百歲光陰春夢中。無端覺去。自圓融。轉身自在通霄路。

步步踏翻兜率宮。恭惟 (稱呼)

胸襟明徹。戒珠玲瓏。

心觀通鼻觀通。蟾桂吹三月雪。

佛見盡法見盡。牡丹著閏年紅。

到這裏。說什麼南北。論什麼西東。

雖然恁麼稱呼轉身，一路如何得通圓。(良久云)

閻老面前行正令，鑊湯爐炭落花風。

○四月為某信士 (古德)

蝶夢百年鷓一聲，等閑呼覺涅槃城。沒蹤跡處好消息。

荷葉團團帶露清，夫惟(稱呼)

夙植本根，現當權衡。

兜率權設三關，劈開華丘連天色。

瞿曇不說一字，放出黃河徹底清。

千當百了，七縱八橫。

上來且致，即今轉身，一路又作麼生。(良久云)

了々幽玄三界外，伸跌高臥涅槃城。

○四月為某信女 (古德)

驚覺人間百歲夢，杜鵑聲裡促歸家。得生極樂事無別。

即心即佛勿覓他，恭惟(稱呼)

如鏡對像，似玉無瑕。

截斷脚下紅線，脫却頭上鐵枷。

到這裡，說什麼三祇百劫，論什麼萬別千差。

雖然如是還卿一曲，如何和胡笳。露。

犀因翫月紋生角，象被雷驚花入牙。

○五月為某信士 (古德)

光陰難繫百年遷，一夢三生石上緣。直下打翻凡聖窟。

月明元在屋頭天，夫惟(稱呼)

智以及遠。孝以奉先。

突出威音外。何墮法身邊。

燈籠跳入露柱。虛空走駕鐵船。

快活自在。意氣凜々。

上來信士平生自受用底。即今臨行一句如何。涉言詮。咄。

六角扇輪轉天去。看來帝釋鼻頭穿。

○五月為某信女 (古德)

渾身四大共消亡。心火滅時火亦涼。若向此中擔取去。

不移寸步即還鄉。玆惟 (稱呼)

斷除煩惱。到安樂場。

本是一精明。華鮮如來現龍女。

分作六和合。鎖骨菩薩嫁馬郎。

正與麼時。擊碎刀山劔樹。吹滅爐炭鑊湯。

雖然恁麼。末後一句如何。舉揚。喝。

放下鋤頭活埋了。都盧大地是金剛。

○六月為某信男 (古德)

炎暑煉人六月天。劈開爐炭去那邊。東西不隔補陀月。

照破三千與大千。夫惟 (稱呼)

全機穎脫。本鉢如然。

步步踏斷昆爐頂。明明透脫威音前。

正與麼時。直出離三界。坐遊化四禪。

了々々。玄々々。

雖然如是更有向上一路即今如何履踐。咄。

快執涅槃棹。虛空駕鐵船。

○六月為某信女 (古德)

六月炎天如鑊湯。踏開爐炭去那鄉。脚頭元是黃金土。不隔東西安養場。恭惟 (稱呼)

天姿皎潔。坤德貞良。

仰之高鑽之堅。金剛眼睛烏律々。

描不成畫不就。本來面目露堂堂。

到這裡。不隔男女。不干存亡。

白滴々。清涼々。

雖然與麼即今末後一著。作麼生商量 (良久云)

烈焰寧容湊泊。迅雷不及思量 (古德)

○七月為某信男 (古德)

不涉順緣與逆緣。閻浮夢覺百年遷。天然自性無會隱。秋色始來掃荻顛。恭惟 (稱呼)

內開智見。外絕蓋纏。

生死即涅槃。毛端吞巨海。

涅槃即生死。火裡汲清泉。

正與麼時。燈籠把手匝特地。露柱問口呼上天。

這箇消息如何示宣。參。

石裏蓮華。火裏清泉。

○七月為某信女 (古德)

四大分離脫五蘊。迷雲還化率陀雲。寂光元是唯心裡。別問天童價半文。恭以(稱呼)

眼界清淨。心地慇懃。

尼總持得吾肉。仙陀婆出其群。

燈籠跳得々。露柱咲欣々。

眼光落地底之端的上無諸佛。下無衆生。元是心佛及衆生。三無差別汝傾心聞。

劫火洞然大千壤。天香桂子落紛々。

○八月爲某信男(古德)

慕直踏翻生死岐。機輪轉處電光遲。向南方勿認成佛。梅在清香八月枝。夫惟(稱呼)

念頭無邪。心中除疑。

生也。春風桃李花開夜。

死也。秋雨梧桐葉落時。

不風流處也風流。銀山鐵壁百雜碎。

有意氣時添意氣。鑿湯爐炭清淨地。

雖然與麼轉身。一路如何絕多岐。(良久云)

會不會兮都來錯。江月照兮松風吹。

○八月爲某信女(古德)

白雲影裡脫根塵。活路通時解轉身。直下出頭天外見。

從門入者不家珍。恭惟(稱呼)

真心無污。惠德有隣。

彩鳳舞丹霄。

打破涅槃古鏡。

清風拂明月。

脫却生死苦輪。

加之。

婆子勘破什麼便去。

清女離魂那箇是真。

不通線路。

地定要津。

雖然與麼臨行一句如何動口吻。咄。

却火洞然毫末盡。

烏藤依舊黑粼粼。

○九月為某信士

(古德)

應世百年夢覺後。本來面目不曾遷。紅爐百鍊精金色。

黃葉似花真箇鮮。

恭惟 (稱呼)

速出迷路。

頓離塵緣。

眞常界中無苦樂。

涅槃堂裏打安眠。

混沌圓拂兩箇。崑崙鼻失半邊。

了々々。玄々々。

雖然與麼即今臨行一著將何錢。 (良久云)

雨中看杲日。火裡汲清泉。

○九月為某信女

(古德)

脫却從前舊面皮。泥洹一路不相移。非生非滅意何物。

江上青山翠似眉。夫惟 (稱呼)

掃除五障。

化育二儀。

世諦即眞諦。有爲却無爲。

凡聖不留朕跡。自他何有毫釐。

上無佛祖可仰。下無衆生可悲。

正與麼時如何動唇皮。咄。

黑漆崑崙夜裏走。紅爐放出鐵烏龜。

○十月為某信士 (古德)

金剛正體本無形。轉却色身夢亦醒。地獄天堂蹤已滅。

遠山依舊數峰青。恭惟 (稱呼)

精神如月潔。談笑如花馨。

了々々時。不慕諸聖。

立々々處。不重已靈。

到這裡。石女打破業鏡。木人踢倒淨瓶。

雖然與麼即今更要分明。響。

鐵牛半夜翻筋斗。宿得涅槃火一星。

○十月為某信士 (古德)

人間榮樂玉傀儡。鬼面神頭又愛憎。打破從前窠窟去。

當陽換却涅槃棚。夫惟 (稱呼)

胸襟洒々。意氣凌冰。

日々談般若。時々語舊朋。

不寄夢於蝴蝶。不讓氣干大鵬。

脚下雲片々。溪澗水澄々。

這箇是稱呼生前活三昧也。即今死後消息將何爾。良久云。

即心佛也非心佛。半夜木人天上登。

○十一月為某信士 (龜鑿) (古德)

一念空時萬念空。何論魔界與天宮。聖衆從是來迎月。

照破十方佛土中。

恭惟(稱呼)

胸宇脫洒。

機智玲瓏。

幻化空身即法身。

石火莫及。

無明實性即佛性。

電光罔通。

赤條々。

透過金剛圈。

淨裸々。

吞却栗棘蓬。

上來且致。即今絕後再蘇底消息。作麼生研窮。露。

鏤頭邊事直看取。

條路如絃。安養中。

○十一月為某信女

(古德)

百骸潰散沒商量。一物長靈何得亡。看破即心即佛去。

同居凡聖絕封疆。

恭惟(稱呼)

貞心抱德。

天姿嫌粧。

恁麼不恁麼。

具足末山尼機用。

不恁麼恁麼。

顯露劉鐵磨鋒鉞。

脚下寂光土。

眼前正覺場。

這箇是信女。生死海中閉落索。菩提園裡遊戲場。將。

何稱揚。(良久云)

無角鐵牛眠火裡。祖師心印露堂堂。

○十二月為某信士

(古德)

剎那三萬六千霜。閃電影中赴故鄉。入得如來藏裡了。

寒梅帶月雪花香。

伏惟(稱呼)

胸襟潔白。氣宇溫良。

生也不生。逆行須行以天堂作地獄。

滅也不滅。左轉右轉以地獄作天堂。

念々唯心淨土。物々自已道場。

洒々落々。熒々煌々。

如上即且致。即今末後牢關一著。如何宣揚。響。

三世十方同一佛。朝々紅日上扶桑。

○十二月爲某信女 (古德)

都盧大地涅槃門。境寂體空絕語言。到得歸來無隔處。

臘梅綻雪給孤園。茲惟 (稱呼)

貞心雪潔。胸懷春溫。

隨緣真如不變真如。彌陀佛乾屎橛。

觀照般若實相般若。正法眼破沙盆。

加之。如劉鐵磨轉機。振威聲。

似尼總持得皮。涉議論。

明歷々。暗昏々。

雖然如是。即今臨行一句。作麼生涉舌根。嘆。

紅爐一點雪。鑄出鐵崑崙。

○正月爲某信男 (龍華虎云禪師)

江山万里入陽辰。梅柳烟霞年已新。新歲一場何轉處。

烏龜脫殼解翻身。夫惟 (稱呼)

拈却千差。而亡彼此。

打成一片。以沒根塵。

素離凡聖之相。豈屬生滅之因。

虛空為軀。不受雜毒。

法界為處。自然純真。

即今歸真一句。如何指陳。(其久曰)

吼月泥牛能入海。嘶風木馬解游春。

○正月為某信女 (龍華虎云禪師)

寒梅落盡一回新。風暖雪消啼鳥辰。道合自然知有底。

喚名裡許不遷人。夫惟(稱呼)

離名相也。不是男女。

超見緣也。不是鬼神。

散三從之空華。脫却娘生皮袋。

破五障之羅網。放下幻化空身。

到這裡。說甚累生業障。論甚永劫沈淪。

且道不受沈淪底一句。臨行作麼生轉機輪。(打圓相云)

已見寒梅清照雪。復聞陽鳥巧歌春。

○二月為某信男 (龍華虎云禪師)

壺中消息隔居諸。劫外春光誰復舒。明暗一雙花柳色。

不生不滅自如々。夫惟(稱呼)

脫生滅之輪轉。絕去來之躊躇。

生而不生。與虛空合體而妙。

滅而不滅。與森羅同用而虛。

到者裏。別有向上履踐。如何分踈。(其久云)

春風花鳥烟霞外。一々都如井觀驢。

○二月爲某信女

(龍華虎云禪師)

冰雪融時二相亡。涅槃境界好承當。一天遲日江山麗，
萬里春風花草香。夫惟(稱呼)

死耶生耶。

存角於兔馬。

生耶死耶。

失角於牛羊。

總非男女之相。素出有無之量。

絕障從之繫留也。

磊落々。

脫蘊界之羈鎖也。

露堂々。

雖然與麼出沒去就自在處。又且如何舉揚。打圓相云。
誰見死蛇驚出草。不萌枝上已陽春。

○三月爲某信男

(龍華虎云禪師)

雨度蝶飛花復殘。園林風色興將闌。行人春老今何去。
千歲北邙松柏寒。伏惟(稱呼)

無明即佛性。

生死即涅槃。

正與麼時。

鐵壁迸開雲片々。

沒商量處。

黑山輓出月團々。

巍々乎不落人後。

醒々著不受他瞞。

雖然與麼末後有向上。一著仔細看。(良久云)

一把柳絲收不得。和風搭在曲欄干。

○三月爲某信女

(龍華虎云禪師)

燕鴻相背暮春天。幾處野花芳草鮮。妙德家風聲色外。

觀音佛事入幽玄。

夫惟(稱呼)

出離死生窠臼。

解脫伉儷蓋纏。

盡青混沌於眉毛頭越見超聞。

淡粧濃抹。

走黑崑崙於脚跟下騎聲跨色。

大用現前。

斯廼希有希有。

孰與金沙灘頭一婦。

作麼作麼。

不唯屍蛇林裏七賢。

即今更有莊嚴覺路底一句如何敷宣。

(打面相云)

雨晴花色明如錦。

風暖鶯聲滑似絃。

○四月為某信男

(龍華虎云禪師)

長空雨歇夕陽生。

夏樹庭陰返景晴。

躑躅花紅應染出。

杜鵑啼血一聲々。

夫惟(稱呼)

有漏夢入夜雨覺。

無明眠向曉風驚。

擡脚於綠水青山。

步々踏著。

掉臂於鳥道支路。

行々縱橫。

可謂歸入安樂國。

坐斷涅槃城。

且道涅槃城是什麼所在切忌沈吟臨行(良久云)

飛絮落花春盡後牡丹將發一株英。

○四月為某信女

(龍華虎云禪師)

落紅新綠已相催。

芳盡南薰朱夏回。

庭上牡丹如夢見。

天香飄處涅槃臺。

夫惟(稱呼)

生前隨順有相也。

守婦節。

沒後證得無生也。

出塵埃。

端的不迷，即位西方，歸住。直下豈涉，即往南方，迂迴。

不多不轉肉身。我覺本不生之當躰。

不屑變成男子。佛法不現前之風裁。

總是具大丈夫作畧。亦是絕小乘部，嫌猜。

山僧更有一釜羹，餞臨行底，一味那裡鹽梅。(良久云)

人間四月芳菲盡，山寺桃花別盛開。

○五月為某信男。(龍華虎云禪師)

脫却輪迴破草鞋，不移寸步直超階。杜鵑醒夢五更月。

風過樹頭千仞崖。

夫惟(稱呼)

淨躰々撒空手，活卓々入虛懷。

獨立生死機前，不求諸聖解脫。

驀過報化佛頂，堪慰一段生涯。

且道末梢洒落境界，將箇甚麼按排。(打圓相云)

黃梅時節家々雨，青草池塘處々蛙。

○五月為某信女。(龍華虎云禪師)

回風淫雨冷湫々，黃麥參差五月秋。八角磨盤空裡走。

翻然一夜任天遊，此是女丈夫子。

正當麥秋時，具轉機作畧。

即今梅雨節，沒臨行蹤由。

已無女相可變，那有男相可求。

雖然與麼，即今新亡(稱呼)因行掉臂，通霄活路七縱八橫底。

且道將何鬪個風流。(拂一拂云)

含泥燕子巢誰屋。且見銜花穿石榴。

○六月為某信男

(龍華虎云禪師)

一路涅槃歸去來。皮囊蟬蛻六塵埃。熱時熱殺渾身處。黑漆崑崙夜裡回。正與麼時新物故。(稱呼)

不留菩提道。

豈住涅槃臺。

直得脚踏蓮華兮。

香馥郁。

頭戴日輪兮。

影徘徊。

且道這般消息如何分開。(良久云)

捲荷乍被微風觸。灑下清香露一盃。

○六月某信女

(龍華虎云禪師)

一朵荷花眠夜塘。離泥出水夏天香。要會非生非滅句。

現成公案又何藏。

夫惟(稱呼)

覺莊生夢。

歇演若狂。

到這裡直下信得及而。

無卜度。

當頭見得徹而。

絕思量。

聽汝。

機輪徑坐斷。凡聖封疆。

踢倒五蓋十纏之山突兀。

脚跟頓。驀過迷悟境域。

掀翻三從五障之海滄茫。

其或未然更有向上。一路且看山僧主張。(良久云)

薰風自南來。殿閣生微涼。

○七月為某信士

(龍華虎云禪師)

秋入梧桐正慘然。西風一葉落階前。前程別有轉身路。

生死涅槃離二邊。

此是新歸元。(稱呼)

步々不迷方。裏許那涉歧路。

心々無異念。端的不落正偏。

直得泥牛鬪入海。石馬躍升天。

其或未然向上還有事。聽取山僧言詮。(拂一拂云)

翡翠踏翻荷葉雨。鷺鷥衝破竹林烟。咄。

○七月為某信女 (龍華虎云禪師)

末山秋不露嶙峋。風散白雲滿四鄰。貴生何辨主中主。

非女非男非鬼神。夫惟(稱呼)

彼岸激浪。此岸隔津。

尼了然安住本位兮。不變相。

劉鐵磨雄據本地兮。不動身。

直得鏝湯爐炭。玄妙而樂。

劒樹刀山。赤脚而巡。

且道如何安身立命。即得恁麼離妄離真。(良久云)

河淡斗垂夜柄。秋清月轉霜輪。

○八月為某信男 (龍華虎云禪師)

西風江上好凝眸。天水蒼々古渡頭。兩岸夜深山吐月。

行程明白又清幽。此是新歸元。(名入)

時到得個轉處。節來任那閑遊。

能通十方。脚跟自在。

不迷四向。進退自由。

且道作麼生趁箇時節。遊戲又且得休便休。選委悉不(打圓)

想云。明月珊瑚冷相照。三千刹海一成秋。

○八月為某信女

(龍華虎云禪師)

風磨雲拭盡河沙。性海秋清好轉槎。烟浪遠邊登彼岸。岸頭徑入涅槃家。

夫惟(稱呼)

槎下入流。

踏翻三從苦海波浪。

灘下得妙。

透出五障塵勞網羅。

可謂。雲間鳳沒銀籠礙。天上麟無金鑽遮。

且道往來無礙自在底。一句如何增加(良久云)

夜水金波浮桂影。秋風雪陣擁蘆花。

○九月為某信男

(龍華虎云禪師)

紅樹風吹不可看。就荒三徑屬秋闌。唯憐松菊凌霜色。

猶送清香穿鼻端。

夫惟(稱呼)

超向涅槃。

卸却臭皮袋。

超越生死。

拈轉赤肉團。

可謂蓬隨風而轉空遊戲。誰知舡截流而到岸盤桓。

且道到岸時節。一靈真性將個什麼諦觀。(打圓相云)

野水瘦時秋潦退。白雲斷處舊山寒。

○九月為某信女

(龍華虎云禪師)

金針玉線正偏圓。縫出鴛鴦理事全。明暗雙々秋月夜。

捲簾石女舞翩々。

夫惟(稱呼)

求安心道。

參直指禪。

三界直出本來空。

全有同住解脫月上。

一超直入如來地。

也不羨受記荊華鮮。

是故。十方婆伽梵歸一致。一路涅槃門離二邊。

了々々。玄々々。

如上(某信女受用底三昧也。即今餞末後底一句如何流傳。

(喝一喝云)

生死女生不到處。雲磨秋色水連天。

○十月爲某信男

(龍華虎云禪師)

人間歲月向空歸。秋去冬來天不違。滿樹繁霜黃葉盡。

西風更作雨聲飛。

夫惟(稱呼)

生也發大用。死也現全機。

四大分離。明白心超曠劫。

百骸潰散。

英雄力破重圍。

那一靈那一物。離四句絕百非。

雖然與麼坐斷舌頭路。通不犯底消息如何指揮。咦。

十月殘陽偏可也。風花落葉小春暉。

○十月爲某信女

(龍華虎云禪師)

人生脩短一炊中。夢覺榮枯了始終。過雁朔風霜夜靜。

半輪寒月印虛空。

夫惟(稱呼)

即今棄捐塵垢穢。婦女躰。直得顯露妙淨明。主人公。

不涉二途。風月夜明乘興。

不迷一色。雪屋夢冷轉躬。

雖然與麼又且臨行一句如何相通(良久云)

菊花尙媚秋餘日。錦樹那禁霜後風。

○十一月爲某信男

(龍華虎云禪師)

雪屋平沈不見他。虛空撲落失山河。洞然明白玻璃地。

一色光中急走過。夫惟(稱呼)

這裡轉身。謝衆緣離蘊界。

那邊撒手。脫籠頭卸角馱。

可謂通霄玉麟斷金鎖。活水錦鱗透網羅。

正與麼時。劒林納履兮。游戲成三臺之曲。

鑊頭投身兮。妙樂發三禪之歌。

所以出沒自在不落顧佇。縱橫谿達豈陷日窠。

即今雪中更有轉路消息。成行色還見麼。咦。

山家富貴銀千樹。漁父風流玉一蓑。

○十一月爲某信女

(龍華虎云禪師)

枯木巖前轉路通。寒天雪月影玲瓏。玄々爲唱無生曲。

水裡蟾光歸掌中。此是(名入)

最初末後。轉位忘功。底。

直得垢穢女身。滅色相之朕迹。

迷悟凡聖。絕絲毫之異同。

向上還有事如何研窮。(良久云)

紛紛雨雪初晴處。寒雁一聲昨夜風。

○十二月爲某信男

(龍華虎云禪師)

爛銀盤裏雪乾坤。一色明邊渾不痕。粉碎虛空誰腕力。

雜華飛散涅槃園。夫惟(稱呼)

乍出三界。直歸一元。

到這裏。石火電光。退藏北斗泯朕迹。

銀山鐵壁。吸盡西江徹本源。

正與麼時。指點妙覺路。打開涅槃門。

且道路頭向那裡轉脚跟。(打圓相云)

寒梅籬落春能早。野雪樞窓夜不昏。

○十二月為某信女(龍華虎云禪師)

窮陰肅々雪皚々。今日風頭稍硬哉。不是安身真立地。

須歸暖處爆寒灰。一段唱暖利身來。

請看。一番寒威徹骨去。

若能向這裏。料理個寒暖之鹽梅。

直得。透過三從五障之艱險。

坐斷菩提涅槃之樓臺。

若或不能恁麼履踐。天寒日短不免山僧更為新亡某信女。

又侑一盃(打圓相云)。但得雪消去。自然春復回。喝。

○為某童子(龍華虎云禪師)

權歷一朝萎。松經千歲枯。可以盡天年。箇中無壽夭。

(稱呼)還委恁麼。響。

一老一不老。

○為某童女(龍華虎云禪師)

瑤池三千春。胡為限一夕。倏忽絕妃嬪。遍界不留迹。

即今（稱呼）險崖撒手，闊步那邊。

却是大丈夫氣慨，兼具老成人作略。

且道，恁麼氣慨，將誰匹述，謂之連壁。（打圓相云）

同靈照女兒，臨機是越格。

●點茶點湯

○為某尊宿奠湯

（龍華虎云禪師）

拈來竺土大仙丹，點出祖門殺活丸。未下口時高著眼，

當陽一味絕遮欄。伏以新般涅槃（稱呼）

飲而不入口吻，味而不潤舌端。

換骨之方，醫王實除三毒。

願神之術，心王能治五官。

既吸盡洋々西江水，還乾盡渺々七里灘。

奚論君子佐使，寧拘温涼熱寒。

京師之大黃甘所用，鎮州之蘿蔔飽可餐。

此是兼大和尚生前，自受用三味。即今呈露，一服不從口入，

舌頭万仞壁立。全機何以觀。（拂一拂云）

處々怪來天地別，千叢變作藥林巒。

○為某尊宿奠茶 （龍華虎云禪師）

濃煮趙州屋裡鑊，椀中盛出滿筵香。天真滋味無他味，

孰若曹源一滴涼。伏惟新股涅槃（稱呼）

靈山千年之種，少林百世之芳。

清潔清艷兮，秀煉道氣。

新苗新芽兮。

抽吐德光。

迨其推倒根株。不曾摘葉尋枝迷悶。

可謂窮盡淵底。豈夫撥波索水顛狂。

蓋既而服匿鷹爪顛。實飽而飲乾蟹眼湯。

加之。出焉則交參。撼樹枝分體用。

入焉則接物。由為仰舉商量。

此是(葉大和尚)舌端有眼能分淄澗。自覺覺他圓滿受用三味。即今應受一盞清供底。如何承當。(拂一拂云)

須乘兩腋清風起。不覺全身在帝鄉。

○為某居士奠湯 (記山道白禪師)

機前傾倒醍醐海。直下變成不濕湯。滿盞持來何所用。

為汝洗却一生腸。恭惟 (稱呼)

胸宇冲澹。態度溫良。

塵中現清淨身。了真性徧。

舌端開正法眼。辨道味長。

消得隨眠氣。薰發知見香。

雖然與麼向。蓋子裏如何商量。(傾灑湯云)

莫言灑下無涓滴。成雨成雲覆八荒。

○為某居士奠茶 (記山道白禪師)

紅爐焙出道苗芽。強被趙州呼曰茶。蟹眼濤翻甘露水。

請看滴々灑河沙。夫惟 (稱呼)

休千劫渴。向三昧家。

黑甜忽醒，胸中灑々似洗。

白業既熟，心頭了々無邪。

豈是戀幻住，正好喪生涯。

行色可見歸路非遐。(傾酒茶云)

一盞點來當祖餞，區々何必摘揚花。

○為某侯奠湯 (龍華虎云禪師)

玉液瑤漿換骨丹，氤氳香氣壓栴檀。醍醐妙味寧干舌。

除五葢來治五難，恭惟新捐館 (稱呼)

文經武緯，義膽忠肝。

白霜君子竹守操持，佩印封土。

青雲大夫松得名望，握笏朝端。

卜臣之否泰以勸懲，醫民之疾病以仁寬。

所以君子佐使，風動國安。

加焉，最初縱觀于泗水之濱，入儒旨無言一貫之道。

末後汲流于禪河之曲，登文字不立別傳之壇。

飽嘗諸方藥艸而盡，已窮一家真味不殘。

如上大居士，諳湯藥味底消息，即今五馬雖還帝鄉，莫隔幽

明以嘆，但野衲拈來一盞飲者死，又或飲者活，且道死活真

味，一般是兩般。(拂一拂云)

泥牛兩箇今何在，海口波瀾一夜乾。

○為某侯奠茶 (古德)

淮灑明媚泛霜溫，滿碗湛芳散百憂。寧待龍驂乘鳳鳥。

風生兩腋入三丘。恭惟新捐館（稱呼）

文苑新鮮萌蘖。武林俊逸枝頭。

忠幹榮芬。葱翠如山之色。

義氣清爽。淡冶似天之秋。

沒量開一胸濶。如海吞百川流。

太過茗算。奚盡酒籌。

雖滿招損。可以除宿疾。

尚謙受益。可以醒睡眸。

加旃。列國如水之交。讓一盟主。

抑又有雲門餅否。推万户侯。

問趙州茶不。

既參無賓主之舊話。今入沒巴鼻之宗猷。

此是所以大居士一生受用。當頭不濕丹唇。傾盞子底一句。

若為告來由。良久云。

不濕不乾何所見。雨中荷葉滿池浮。

○為某人奠湯（男女同用之可也）（龍華虎云禪師）

古澗寒泉掬水來。醍醐一服侑瑤盃。妙味現成人不識。

分明冷暖在靈臺。

正與麼時妙味現成。以甚為驗。良久云。

雨散雲收山骨露。數峯如畫碧崖嵬。

○為某人奠茶（男女共用之可也）（龍華虎云禪師）

泉湧松風高鼓波。拈玻璃盞作諸訛。趙州一味天然別。

不比盧同七碗歌。

正與麼時向箇蓋子裏如何下口(良久云)

昨夜長鯨吞海水 珊瑚枝上月婆娑。

○點湯 (三首) (瑞方面山禪師)

洞上正傳五味禪 即今拈出向真前 當人開得虛空口

涓滴未曾落外邊 正與麼時

十方三世無飢渴 水在蓋中月在天。

○同 (同)

汲煎阿耨池中水 抹點摩黎山上香 不是尋常世間味

舌頭具眼底當嘗 正與麼時

法身六大彌堅固 生死涅槃夢一場。

○同 (同)

石女擎瓶盛毒藥 木人平蓋受醍醐 醍醐毒藥無別味

石女木人足相娛 正與麼時

無限六凡兼四生 看々片雪入烘爐。

○點茶 (三首) (同)

踏倒五臺綠髮童 南方一味策勳功 木人托出碼碯盃

無舌々頭試淡濃 正與麼時

清風凜々起毛孔 八萬四千吹曷窮。

○同 (同)

體用商量瀉仰禪 兩頭交互味天然 擊來玉盞非他物

八面清風起目前 正與麼時

覺醒半夜那人夢。眼活，觸體不許眠。

○同

(同)

五臺山上玻璃盞。無著文殊論未窮。奪去即今加百沸。直使雲脚起清風。正與麼時。當人夢愕十虛空。吞盡了也香水海。

●起龕鎖龕

○為某尊宿鎖龕

(龍華虎云禪師)

朝歸灰裏出區寰。宴坐安禪似泰山。寂然中夜無消息。入海泥牛終不還。伏以新般涅槃 (稱呼)

色界已滅跡。空界何所覩。

久遠今時。驀撥揮一箭手。

歲普樓至。

徑射透兩重關。

是故。生不道死不道。去難攀來難攀。

進退豈翹不出函蓋之外。

俯仰所以匪顯宇宙之間。

不生非滅。

柳暗花殷。

此是某大和尚示涅槃相。還入那伽大定。不是網明。亦出得此定者。當與真慈再相見。且道向何處瞻仰遺顏。良久云。只在天宮裏。雲深不露顏。露。

○為某尊宿起龕

(龍華虎云禪師)

獨脫無依世外賓。冰懷本自出風塵。一朝普化翻筋斗。顛去顛來轉法輪。伏惟新般涅槃 (稱呼)

來則從空界。去則向天真。
去也不變異。來也奚湮淪。

去來自由髣髴。水上鐵船子。
起倒自在依倚。丈六金色身。

迨其佛界魔界遊戲三昧。
可謂地獄天堂解結一巾。

即今某大和尚。向何處起倒屈伸。(良久曰)
劍去一朝無朕迹。可憐迷海刻舷人。

○為某居士鎖龕

(卮山道白禪師)

鎖著一龕中。安禪無相躬。
裏頭何所在。密々不通風。
恭惟。(稱呼)

無求境靜。

知止心融。

絕四句絕百非。

如珠澄水。

忘衆緣忘萬慮。

似月懸穹。

追尋何見迹。

呼喚不傾聽。

穩坐一句如何推窮。

(拂一拂云)

人空亦法空。

二空亦復空。

○為某居士起龕

(卮山道白禪師)

特地脫離生死藩。臨行趣向涅槃門。
途中豈做未歸客。步步直須照脚跟。

出處應節。

左右逢源。

平素間行杖子。

過斷橋水。

今日遊化炬火。照無月村。

將佛祖正法眼。當田家老瓦盆。

雖然與麼出門。一句如何持論。咦。

橫吹白玉笛。驚起鐵崑崙。

○為某侯銷龕 (記山道白禪師)

黃金臺上德容隆。四海才賢旌義忠。一朝五馬飛如箭。

盡掛天邊留月弓。恭惟新捐館 (稱呼)

指真冥表。到希夷中。

寂寞無為。閉化城之門戶。

形神不動。坐佛龕之幽宮。

一定雖入於廟。三昧終歸於空。

豈非生前啓善趣。干梵旨。

應是沒後歸清暢。干禪叢。

莫道今示色質變異。不知已脫生死羅籠。

正與麼時。大居士處。泰山安底。一句作麼生研窮。(良久云)

端坐環中虛白處。縱經塵劫信難通。

○為某侯起龕 (龍華虎云禪師)

歲月蛟龍德化遷。興雲致雨遠相連。神靈豈是池中物。

一夜乘風飛上天。恭惟新捐館 (稱呼)

緇々蕪胃。翻々飛仙。

故其蒼生父母殫實。舊維緇門金湯最堅。

文武權衡。曾執政刑則濟美利。

烟霞錦繡。

昨裁詞賦則愛才賢。

可謂人樂天樂。

靡非真玄虛玄。

且夫傾心祖道。

沐身禮淵。

嗚呼。俄聞石椁有文字。

更見仙龕將周旋。

其狀如走盤珠之宛轉。

其舉似出岫雲之飄然。

此是大居士隨處滅盡當處出生底樣子。即今起倒自在一句。如何奉餞離筵。(拂一拂云)

百尺竿頭人神妙。

樓前百戲競新鮮。

○為某人鎖龕

(男女共用之可) (龍華虎云禪師)

暗中著眼明々歷。

明裏藏身暗々昏。

玉殿苔生空正位。

經行坐臥宛然存。

恭惟(稱呼)

深入禪定。

包裹宇宙。

廣占佳城。

磅礴乾坤。

正與麼時。山僧舉銀鑰鎖金棺。底手段如何。涉舌根(貧久云)雲在嶺頭。閉不徹。月穿潭底。水無痕。

○為某人起龕

(男女共用之可) (龍華虎云禪師)

撥轉機輪起一回。

不妨體用好分開。

那坐兩頭明暗路。

偏中歸去正中來。

恭惟(稱呼)

進步退步。

正道邪路機前滅。

舉足下足。

天堂地獄當下摧。

且道這般消息如何安排。(拂一拂云)

碧玉盤中珠宛轉。

琉璃殿上月徘徊。

●收骨安牌

○為某尊宿安骨

（記山道白禪師）

貪瞋癡之淨盡

粲々合彩

戒定慧之薰修

郁々吐香

如來昔得八斛

分天衆人衆龍衆

和尚今得一餅

分東路南路北路

隨處為福

應機現祥

磨不磷而

非堅石堅

涅不緇而

非白玉白

精爽所鍾 如何慶讚

（良久云）

海神知貴不知價

留與世間光照夜

○為某尊宿收骨

（善救普濟禪師）

伏惟。當山某大和尚禪師。不生不滅。本來身心。埋

是彌天。不為土沒。焚是歷劫。不為火侵。（舉骨云）

看火蛇吐出金剛舍利。取捨節々皆是黃金。

○為某大姊安牌

（善救普濟禪師）

返本歸源第二機。一頭未顯又如何。元來六々三十六。

秋水舟橫古渡涯。（稱呼）

福壽康延。富貴克家。

近入宗門。八十餘老婆。

不起一念。白雲不得遮。

真俗不二法。信心更無邪。

密々親近去。

時々奉重他。

白頭蠶婦織。

歷々夜鳴梭。

如愚如魯。

唧々哆々。

雖然與麼。(舉牌云)

夜半木人敲月戶。

天明鳳子咲脚花。

○爲某居士安牌

(善教普濟禪師)

生前五十餘年娛。

獨步黃泉万里路。

今朝親逢入牌辰。

教人特地倍愁慕。

(舉牌云)

看幻人作用本來無。

罪福皆空非識聚。

應物現成。

隨處顯露。

不見言。

門々一切境。

回互不回互。

回而更相涉。

不

然依位住。

正當與麼時。向那裡行履去。

(良久云)

是法住法位。

世間相常住。

○爲某尊宿安牌

(無隱道費禪師)

(舉牌云)先佛位次。皆依戒臘。欲安之下位。似守一隅。欠轉路。是法平等。無有高下。欲安之上位。如積薪。後來者居上。畢竟如何。即是。(安牌云)三世諸佛。歷代祖師。天下老和尚。不得動著這牌子。

○爲某尊宿安牌

(與龍玄樓禪師)

倒騎佛殿出三門。將謂他方移法轅。送得歸來親斫額。須彌座上復稱尊。

●附錄

○爲某居士挂真

(龍華虎云禪師)

靚露分明非畫像。現成平昔舊威儀。縱縫黃檗一呼日。何待相公應諾時。

恭惟 (稱呼)

太虛爲面

片月作眉

落魔外膽

手中按三尺劍

空凡聖迹

脚下斷五色絲

直須了蝶夢

未曾著狐疑

此是居士證得底三昧。山僧如何贈一辭。(良久云)

若將情解應難會。匝地清風只自知。

○爲某人掛真 (男女同用之可也) (龍華虎云禪師)

夜明簾外涅槃城。妙相端嚴活眼睛。光照四維當面露。

流風依舊振佳聲。

恭惟 (稱呼)

寂然空有相

凜乎悟無生

正與麼時別有藏。身露影底一著子。山僧更重如何分明。
聲。

畫耶不畫試看取。

印破江流心月清。

◎第五編 雜錄之部

●點眼安座

○釋迦如來開光

(卍山道白禪師)

毘首竭摩盡妙鑄。端嚴殊特不堪宣。至心敬禮體空寂。

天際日升現百川。

(以筆點雙眼云)

四眼圓融開佛眼。

一毫光徹大三千。

○釋迦如來開光

(卍山道白禪師)

像未造筆未點。釋迦法身現沙界。牟尼眼睛照山河。像已造筆已點。錦上鋪華燈邊添焰。可謂莊嚴中之莊嚴。光明中之光明。即今功德圓成。一句作麼生。

嘉會靈山猶未散。

一番拈起一番新。

○三尊像開光

(卍山道白禪師)

某氏出淨財嚴飾佛殿上。釋迦迦葉阿難三古像。特設供養。請開光安座。

相好重脩古佛陀。紫金光聚照山河。阿難合掌精神密。迦葉破顏意氣多。直見法王傾法海。且令檀信涌檀波。鷲峰一會儼然在。滿地慈風吹不頗。

○佛涅槃像開光

(卍山道白禪師)

某氏書佛涅槃像。就山門設供養。乞山僧演開光佛事。為說偈言。

丹青縱橫。發揮精神。最後大會。特地現成。入涅槃。

海超滅越生。託婆羅樹。示枯現榮。六凡四聖。同一眼睛。點開了也。夜半月明。

○大日如來開光

(記山道白禪師)

兩足世雄大日尊。智拳印內握乾坤。青蓮寶目點來見。光瑞照開不二門。且道不二門照開有甚麼功德。

(拋鉢云) 無量福海。左右逢源。

○彌陀如來開光

(記山道白禪師)

水鳥樹林皆念佛。山河大地共光明。十方沙界不容髮。觸處現成極樂城。

○藥師并二菩薩十二神

(記山道白禪師)

藥師善逝。琉璃醫王。玉毫赫々。金相堂々。兩個菩

薩。十二神將。同鎮西福。(西福之二字因三其寺可改作也) 共自東

方。莊嚴三昧。功德增長。

龜毛重照本光瑞。諸吉祥中最吉祥。

○文殊大士開光

(記山道白禪師)

手握如意。他是阿誰。三世覺母。七佛導師。成不請友。伏無畏獅。大光明藏。眼見如眉。

○普賢大士開光

(記山道白禪師)

如來真子。廣大願王。坐白象背。潑碧瞳光。徧觀三界。照破十方。巍々威德。水遠山長。

○觀音大士開光

(記山道白禪師)

通身手眼。妙應無方。如谷傳響。似鏡舒光。見苦便

代。為慈所傷。福海智海。隨處汪洋。

○觀音大士開光

（記山道白禪師）

大悲薰習度生因。百福莊嚴淨法身。手抱嬰兒珠在掌。不知相送與何人。
（以筆點雙眼云）

蓮目激々寶光發。

照瞬刹々徧塵々。

○觀音大師開光

（記山道白禪師）

通身手眼。脫體現成。

慈悲喜捨。見色聞聲。

十二處亡。閑影響。

三千界放。淨光明。

○虛空藏菩薩開光

（記山道白禪師）

空藏本來無一物。隨機雨寶利入天。是師子進通身口。毛孔法音震大千。正與麼時。

眼光寧待筆頭點。

照破剎塵自了然。

○地藏大士開光

（記山道白禪師）

金湯震驚五蘊夢。青蓮瞬視一真空。光明不待毫端點。法界照開彈指中。

○不動明王開光

（記山道白禪師）

神巧彫粧不動尊。光明點出破沙盆。金剛添焰掌中劍。百怪千妖共斷魂。

○達磨并大權開光

（記山道白禪師）

拈起龜毛禿筆頭。點開祖眼與神眸。神光協贊祖風盛。資始法門萬古猷。

○十六善神開光

（記山道白禪師）

十六神王。巍々堂々。金剛，慧劍。般若，鋒銛。轉災，轉禍。爲瑞，爲祥。法運世運。地久天長。

○十六羅漢開光

（巴山道白禪師）

十六應真。濟々振々。承如來，囑作有情鄰。隨處赴感。大地回春。法運世運。佛劫仙塵。

○六地藏開光

（曹源澗水禪師）

佛囑曾承，忉利宮。分身六趣度群蒙。悲心一片清涼月。影印千江萬派中。

只如即今假堅固石，現六般身。謂之異則元是一精明。謂之同則分成六境界。畢竟如何得諦當去。以筆一點，曰。

金剛正眼是非外。一管點開光射空。

○釋迦如來開光

（瑞方面山禪師）

五眼點開大智輪。光明赫燦十方新。人天福壽有何限。日々須勤供養親。正與麼時。

三間茅屋寶樓閣。石盃瓦盆變七珍。

○釋迦如來開光

（瑞方面山禪師）

毘園呼生。跋河唱滅。四十九年。不說而說。法界冥薰。解丁香結。有情非情。鼻孔穿穴。正與麼時。

如來常住。無有變易。眉間玉毫。鬮體眼活。

○涅槃像開光

（瑞方面山禪師）

發心畢竟二無別。最後光明照鶴林。生滅々生深般若。含靈超越去來今。正與麼時。

一會莫非大圓覺。

提河涵月夜沈々。

○涅槃像開光

(瑞方面山禪師)

凡聖自超凡聖量。華紅柳綠等芬芳。涅槃會上無涯衆。五眼各開照十方。正與麼時。如來常住非來去。頑石點頭笑一場。

○十六羅漢開光

(瑞方面山禪師)

如是住時本道場。阿蘭那行々無量。無量悉倚金剛力。五眼豁開盡十方。奮迅獅子。庠序象王。虎生風嘯。龍生雲翔。護法安人有何限。沾濡寒槁雨露々。

○永平祖師開光

(瑞方面山禪師)

通身手眼。徧界光明。陶鑄佛祖之模範。均平脩證之量衡。傳要機於鱗角少。附名位於鴻毛輕。日々山色夜々溪聲。應緣分影古禪窟。華木欣々自向榮。

○永平祖師開光

(瑞方面山禪師)

十方洞豁。高位虛空。七處平滿。兩光重瞳。白線拂從青原祖。黑伽黎傳老天童。拔兮穎脫氣象。逼也凜嚴威風。即今新點眼中眼。五百年過輝日東。

○觀音不動多聞三尊安座

(曹源滴水禪師)

補陀山上圓通佛。凸持多聞不動尊。護世姿兮瞋怒相。都來流出大悲源。度生一念元無別。水月交光三昧門。三昧門中真妙用。須知群有寸心存。

只如即今新宇安座。有甚處分。良久曰。位分伊點。三靈像。永施吉祥。鎮梵園。

○醫王山藥師如來安座

(曹源滴水禪師)

醫王山裡大醫王。伴侍日光與月光。畏愛兼懷瞻禮客。夜叉圍遶凜冰霜。

脂十二願輪。

摩尼走盤宛轉。

現四八妙相。

瑠璃含月清涼。

利濟弘被。圓應無方。

眉間玉毫。照破六趣之幽暗。

掌中靈藥。洗滌萬病之禍殃。

稱其名者除衆罪。歎其德者致千祥。

只如即今新床安座。句如何舉揚。曹。

正體儼然須徹見。當陽坐斷法空床。

○觀音普賢虛空一龕安座

(歐子素淵禪師)

蓮綻臘月。異色同香。位分品字。超法界量。但見皇風成一片。不知何處是封疆。

●塔婆銘文

○木塔銘

(瑞方面山禪師)

法身六大。衝破虛空。十方洞谿。八面玲瓏。妙修行布。本證圓融。去于偏裏。來于正中。那落迦杳。阿迦尼崇。深々難測。高々誰窮。遮情之義。表德之功。隨藍捲霧。波頭吐紅。備勝妙力。具大神通。要機揚。

日。寶印當風。時無今古。處絕西東。三千基異。八
萬樣同。滿閻浮提。徧帝釋宮。般若偉績。菩提膚公。
大因大果。妙忘始終。

○木塔銘

(瑞方面山禪師)

空風火水地。現成五智輪。生佛何隔越。妙果即妙因。
無迷亦無悟。不妄也不真。光明點發處。巍然面目新。
三際豈遮障。十方絕邊垠。一見大功德。言詞實難陳。
泥犁薜荔苦。畜生修羅辛。少望其光則。重業乍消泯。
譬如千山雪。積值三月春。人間八苦滿。天上五衰均。
偶仰其影者。不異珠離塵。二乘趣向大。大士誓增伸。
無上最上覺。毘尼淨法身。萬德莊嚴具。法界無等倫。

特地增法樂。如花鋪錦茵。只箇功德聚。恒河沙由旬。
證明作銘語。一句重万均。

○木塔銘

(瑞方面山禪師)

上超有頂下無間。四聖六凡皆仰顏。三匝集功深似海。
一瞻累德大於山。揩磨慧鏡太微妙。撥轉智輪不等閑。
清淨法身明了々。天魔外道絕追攀。

○木塔銘

(瑞方面山禪師)

虛空寶塔。全身如來。十方瞻仰。獨露崔嵬。包藏凡
聖。融液金胎。後園菊馥。遠山雪皚。三途莫測。懊
惱悲哀。二乘不及。智滅心灰。大士脩證。萬行門開。
諸佛果熟。安住蓮臺。大法演說。玉轉珠回。九十六

種。慢幢忽摧。洗三障垢。掃四魔埃。功利萬劫。福徧九垓。五智五眼。三德三才。正法輪轉。大佛頂堆。實相之德。嗚呼恢哉。

○木塔銘

（瑞方面山禪師）

地盤亡底。空輪絕巔。全無而有。備方之圓。育王八万。帝釋三千。幾層階級。四面關鍵。瓔珞響矣。幡蓋動焉。箇樣法爾。其勢巍然。說向上句。釣體中玄。月出皎潔。水流潺湲。

○木塔銘

（瑞方面山禪師）

輪圓具足。六大四曼。全身寶塔。法界一團。

○塔婆銘

（川僧慧濟禪師）

一塔巍然。不覆藏。士峰精雪。插蒼々。燒空赫日難消盡。散作人間六月涼。

○塔婆銘

（曹源滴水禪師）

破一微塵。出大千塔。中有黃金。周遍六合。古今知。貴不知價。月照長空。風颯々。

●祭文諸疏

○某寺本尊遷座疏

（瑞方面山禪師）

五濁穢界。因積惡見。棘荆。百寶淨邦。以純善生蓮葉。證得善惡。無作無受。了畢淨穢。不即不離。人々法界藏身。四十八願何欠闕。

箇々光明遍照。十萬億程豈遼遠。

伏冀。盡十方無礙光如來。

感機於丹衷。安住此梵閣。

應供于白法。極濟彼苦輪。

次冀。寺主及諸檀等。

生死罪犯彌天。水消瓦解。

福慧莊嚴通體。王振金聲。

報答四恩無邊洪功。現成七難即滅盛德。

○懷井和尚忌疏 (元山道白禪師)

手頭燃犀。照見衆生心水。

眉間挂劍。斬斷列祖玄關。

真慈窮到底。俊氣直衝天。

初發靈機。空徧界於頻伽餅裏。

後廓智眼。絕纖塵於頗梨鏡中。

一毫穿衆穴。再拜透重幃。

孝師而不倦。如阿難侍如來。小心翼々。

承師而無遺。似慧可契初祖。得髓昭々。

大興永平席。終隱美味峯。

乾坤間氣。古今獨英。

獻香華以慕高躅。出寂定而應齊筵。

○瑩山和尚忌疏 (元山道白禪師)

見色明心。五百生前證果聖。

聞聲悟道

三千里外辨絃人

是莽師剃度

即介公嫡傳

原夢於榎木枝頭破草鞋

而垂洞谷開山統

表信於松壽林中舊衣鉢

而董護國補處功

立二利行願

振一實宗風

唱法於總持道場則

王公欽德

隱跡於甘露滅海則

人天攢眉

冀垂無私靈鑒

再照不盡乾坤

殊修苻菜供

慎傾葵華誠

○明峰和尚忌疏

(肥山道白禪師)

著破草鞋

背却建仁塔院

携條竹杖

敲開護國關門

被師喚侍者

忽自知老人

皮膚脫落而真實現

因緣成就而嗣承親

領松壽三代住持

聲飛桑域

為登山上足弟子

德鎮叢林

不但開我偏正秘

又能弄他玄要機

凜々威風

雖百世何墜地

堂々志氣

凌萬夫直逼天

某甲謾得稱遠裔

大師豈無垂哀憐

謹薦薄奠

願賜光降

編者曰三佛忌二祖忌并楞嚴會孟蘭盆會般若等之諸忌

洞上行持規範四分要錄等有以之依，今煩不觀之，而如三山門道齋諸山之疏，則下卷觀之，可往看矣。

○地藏會祭文

(三山道白禪師)

衆生業海。無際無邊。波翻浪涌。拍地滔天。頭出頭沒。日夜流連。叫喚洒淚。悲泣乞憐。地藏大士。願深如淵。破夢鳴錫。救溺泛船。顧光目昔。誓垂慶緣。護如來囑。常解倒懸。超諸菩薩。化諸纏綿。一唱一禮。歸投乾々。感應盡々。月落在川。嗚呼尚亨。面目現前。

○祭本師文

維龍在干支何年月日恭值老和尚示寂後二七日傳燈弟

子不肖某甲開齋筵大佛寶殿一盤禹菲泣血辨備拜請光儀昭奠靈次至哀無文泄以缶素曰。

嗚呼老和尚。實當今獨英。將謂久住世。壽域齊芥城。豈圖俄顧命。戡化以長征。嗚呼我小子。似影之失形。捨師共誰立。恨不得侍行。日月常雖在。修羅遮暫冥。仰觀義天食。翅足待復明。空炊無米飯。聊擬獻芹誠。風燭搖遺影。信香感慈精。娟々溢心目。淚落哭飲聲。嗚呼老和尚。悲愍殊尚亨。

○祭授業師文

(曹源滴水禪師)

繫我和尙。德如太虛。大絕方所。細入無間。山毫海墨。難得而記。其彪外者。百讚一二。警嘆警喜。慢

散花開。或動或靜。雲凝浪回。天下龍象。爭先來賓。
 畏愛兼抱。不得疏親。齡垂八旬。鐵鑄腕頭。千鈞大
 法。猶如杭浮。將謂壽祺。與趙州同。甄陶法器。蒙
 簪宗風。一朝示疾。臥大悲床。青蓮罷笑。白毫斂光。
 如渡失筏。似闇失燈。茫茫前路。我將何憑。噫我九
 歲。初侍巾瓶。從爾以還。如影隨形。朝掌暮拳。深
 沐恩澤。燃臂賣心。豈辭往昔。大千浮漚。聖賢拂電。
 雖為此觀。難忍哀戀。信香一縷。龜茗半鐺。收淚辨
 備。聊展論誠。不動寂場。惠然來享。峨々補巖。松
 高月朗。嗚乎悲哉。

○祭某居士文

川僧慧濟禪師

維年號干支月日。故某居士於其寢室歸寂。家人某等
 虔備溪毛之薄奠。祭于尊靈其詞曰。
 於戲吾君逝矣。唇亡齒寒。鴛被夢醒。忽辭邯鄲。
 瞥然永訣。剖心折肝。秋風蕭瑟。早摧惠蘭。妾心
 反側。古井無瀾。嗚呼吾君逝矣。誰又合歡。天崩
 地裂。事定闔棺。薤露易墮。涕泗難乾。松籟已靜。
 慟哭猶殘。於戲哀哉尙亨。

○祭某居士文

川僧慧濟禪師

維年號干支孟夏何日。吾先老某居士於東都寢室長往。
 越三日孝子等。謹辨龜糲之微供。而致祭于龕前曰。
 嗚呼乾德山滅。忽失方隅。夜臺扇閉。棄此諸嶽。

慈雲散盡。愛河乾枯。嗚呼若生若滅。唯在須臾。
未逐反哺。為見林鳥。菅草凋落。幾時再蘇。吾命
懸絲。雖有若無。吾淚洒雨。欲乾又濡。嗚呼尚亨。

●畫像贊辭

○釋迦如來

(卍山道白禪師)

九界慈父。三世導師。捉葉說法。拈華辨機。全身坐
了吉祥草。劫外春風觸處吹。

○釋迦如來

(卍山道白禪師)

那伽常在定。河注未曾流。屣寶位而脫。芥王宮不留。
隱身三界外。現影一毛頭。若問誰家子。西天老比丘。

○出山相

(天童如淨禪師)

摩耶落賺。厨出來。撞入艸窠打一回。誰知有屈叫不得。
殃害兒孫作罪魁。

○出山相

(卍山道白禪師)

入山出山。未始離山。明星一見。何處不山。

○出山相

(無得良悟禪師)

見星眼華。教壞天下。忽々出山。指鹿做馬。

○釋迦達磨永平同幟

(卍山道白禪師)

靈山華與少林桂。折合永平老樹梅。有色有香三昧相。
一毫端上現成來。

○文殊大士

(卍山道白禪師)

座金毛背。慈威雙該。通身是智。徧界無埃。眼空三

世。跡印五臺。一揮如意。大施門開。

○文殊大士

(無得良悟禪師)

五臺間却一精藍。更跨金猊遊海南。說向人間人不會。前三三與後三三。

○文殊大士

(元山道白禪師)

現有髮相。誦無字經。諸佛覺母。個一寧馨。

○普賢大士

(無得良悟禪師)

澗水湛藍山疊翠。善哉廣現普賢身。象王背上間風月。也識峨眉別有春。

○普賢大士

(元山道白禪師)

普賢大行武兼文。輔弼法王法令勳。手捧貫華香象背。

天葩添得吐奇芬。

○普賢大士

(元山道白禪師)

涌身雲上不跨象王。手把梵典舒卷十方。

○地藏大士

(元山道白禪師)

滿月慈相是大願王。為憐蠢々誓成孃々。金錫揚響。寶珠放光。四生六道。妙應無方。

○地藏大士

(梅崖奕堂禪師)

金錫常驚夢。寶珠長破昏。六輪能化主。願海獨稱尊。

○觀音大士

(元山道白禪師)

法界一管筆。法界一枚硯。法界一張紙。法界一錠墨。因緣和合。大士現前。因緣即空。大士無相。無相亦相。好贊大士。人

々一座持船山。坐臥經行觀自在。八万四千妙應身。元來不出寸丹內。

○觀音大士

(無得良悟禪師)

五々圓通。百億三昧。普門不關。應現法界。千江水。月千江秋。珍重家々觀自在。

○觀音大士

(記山道白禪師)

松月明々。耳處見色。普門不關。根塵羅織。

○觀音大士

(記山道白禪師)

竹風細々。眼處聞聲。圓通無礙。徧界涼清。

○世尊迦葉阿難同帳

(瑞方面山禪師)

一華現瑞。五葉流芬。

付囑兮。驚百萬衆而彈珊瑚之舌。

護念兮。憐三千界以剏錦繡之腸。

拜撒首座大受。玲瓏侍者稱揚。

格外風光也。諸法無執。壺中春色也。億劫有常。

○釋尊文殊普賢十大弟子十六羅漢靈山一會圖

(梅崖奕堂禪師)

耆間崛山。五色雲間。世雄端正。大開慈顏。智劍明。

德。行願導頌。二八尊者。圍繞若環。十大神足。應。

化不閑。種々三昧。率略機關。儼然一會。滿目爛斑。

三千年後。恍如躋攀。

○釋尊四侍十六羅漢

(梅崖奕堂禪師)

耆闍窟裡。列聖嚴然。怪巖奇樹。神變無邊。

○釋迦文殊普賢三尊圖

(梅崖奕堂禪師)

巍巍法界尊。智行等開門。六耳誰同策。隨緣覺夢魂。

○釋尊達祖永祖之圖

(梅崖奕堂禪師)

異轍同輪轉大乘。三師眼目競稜層。證龜成鼈斯時節。挑得室中那一燈。

○觀音大士

(瑞方面山禪師)

古巖光々兮。實相不動之體何匿。瑞雲簇々兮。妙應之用既彰。盛美容色。風流素粧。十界十如閑落索。虛空仰面夢遊長。

○觀音大士

(川僧慧濟禪師)

水上一葉白蓮。水中一輪明月。吾道一以貫之。胡餅饅頭咄々。一枝野水。万仞蒼崖。柳通線路。普門推排。

○觀音大士

(川僧慧濟禪師)

瓶中楊柳開慈眼。岩下波濤發梵音。大地元來無可度。耶君爲孰說黃金。

○達磨大師

(肥山道白禪師)

廓然不識任人疑。面壁九年何所爲。一口平吞三世佛。雙眉蓋覆五須彌。脚頭烏有龜毛線。腰下也無羊角錐。和髓總分皮肉骨。半身重現欲瞞誰。

○達磨大師

(肥山道白禪師)

皮肉骨髓。捨行法施。分付四哲。不留些兒。廓然無聖。日炎風吹。祇個影子。虛空安眉。

○達磨大師

(北山道白禪師)

壁觀胡子。野狐精神。恐人見尾。故現半身。

○達磨大士

(北山道白禪師)

直指現成。通身眼睛。廓然不識。地裂天驚。

○達磨大士

(瑞方面山禪師)

萬里來自印土也。磐石為筏。截大海。

九年坐于少林也。瑞草作甍。眠虛空。

雖飲當門之齒。而嚼爛三世佛。

却瀝渾身之髓。以污辱一臂翁。

見性成佛。屈兮有理。廓然無聖。勞而無功。

非管履畔還影。更向毫端現躬。

涵千々界。有何際。無底寒潭。碧玉瞳。

○達磨大師

(瑞方面山禪師)

十世古今。收雙眼不足。三千刹界。跨兩脚無餘。直指人心。火裡冰。廓然無聖。樹上魚。傳兒孫底。一句子。一大藏中有。闕如。

○達磨大師

(川僧慧濟禪師)

從負鳳臺月。安眠熊耳雲。九年無箇事。毒背設紛々。

○渡江達磨

(川僧慧濟禪師)

來處千金重。去時一葦輕。難瞞梁主眼。風浪脚跟生。

○永平高祖

(記山道白禪師)

空手還鄉何所成。眼橫鼻直可憐生。山從平地起來峻。水自高原流出清。莫道清波無透路。須知峻處有行程。三年一闔又誰怪。夜々鷄鳴向五更。

○永平高祖

(記山道白禪師)

身心脫落。偏界無塵。大圓鏡上。形影相親。定手印內。正偏雙泯。眼橫鼻直。扶桑回春。

○瑩山太祖

(記山道白禪師)

那伽定裡無古今。凜々威風現在前。暗發雷霆施號令。明傾法雨灑山川。

○永平高祖

(瑤方面山禪師)

宇水浩渺。越山嶽崑。手中青原之拂線。腋下趙州之布衫。不仰龍準。無屑鳳銜。坐斷極聖分聖。混融內凡外凡。說也石牛一吼。默兮金人三緘。玲瓏巖下風穩。千歲苔痕映碧杉。

○永平高祖

(瑤方面山禪師)

海澄眼底。雪白頭尖。機有正偏而槩苦。道無內外而蜜甜。卜一路之泥日。入三昧於楞嚴。秋到吉祥山頂。和光捲上水晶簾。

○般若十六善神

(記山道白禪師)

十六神王。各自面光。揮金剛劍。棹般若航。布施無畏。呵禁不祥。巍々偉德。非心所量。

○護法龍天

〔山道白禪師〕

稽首龍天。佛之良輔。布大身雲。洒大法雨。或慈或

威。誰侮誰忤。感應昭然。水月可親。

○圓相

〔川僧慧濟禪師〕

承言會宗。超筆墨蹤。圓陀々地。

似見蟠龍。

○圓相

〔川僧慧濟禪師〕

維天有闕鍊石補。維月有虧以斧修。不脩補底是甚麼。

舜若多神咲點頭。

訂正 洞上佛事編上卷終

慈仁寺管長武田默齋禪師題字
永平寺管長田悟由禪師題字
圓覺寺管長釋宗演禪師序文

高津 柏樹翁校閱
岸和田 一雄師編纂

禪偈活法

上集 下集 貳 冊入 (近刊豫告)

古來坊間に流布せる、禪偈韻套、釋海沙金集、紙杯麟芳、等の如き偈頌の熟語を撰拾して、備略の韻套を研列したるものなきにあらずと雖、皆是れ片々たる一小冊子にして、其資料の豊富ならざるのみならず、率以古代の編纂に係りたるものなれば、今日我邦文化の進運と共に、禪苑の春色一時に爛熳たる秋に際し、斯の如き蠶絲食塊の陳腐を以て、苟くも禪林に遺棄せる活詞僧、佛海に游泳する眞居士をして、何ぞ能く大機妙用底の、錦心繡腸を逞々せしむるに足らんや、是を以て編者は夙に是を憂ひ、幾多の歲月と幾多の時苦とを経て、此者將に大成せられんことを告る所あるへしと雖、今其大體の綱目を示さば、佛事門、人事門、時事門、雜事門の四大部門に分ち、品題一百餘種を設けたれば、如何なる人事も之を貫すべく、之を申すべく、之を述るべく、之を迎ふるを得べし、或は又時事の如きは、時に臨み處に應じて、宛轉自在、四時の風月、手に信せて、甲唱乙和すること亦得べきなり、加之其熟語中、難解の字句あるに當りては、冠註以て之を釋し、傍訓以て之を解す、殊に作例の如きは、宋元より以來我國現今の禪門に於ける、臨濟黃蘗曹洞の碩德高僧の名稱住什を以て、之れに充てたれば、一方には自己研鑽の實を尅して霞を服し雲を被て玉を綴り錦を織るの大文字を撰り、他方には歷祖權化の芳蹤に躋攀して五葉森々百華郁々蘭菊美々競ふの觀あらん是れ禪の、能らす、乞ふ本書の出づるを待て、其眞價を知り玉へ

69
2
110

110

